

上時與屏人語吉祥伏小監座側悉其語以問曰 上與大學士徐有貞言某 上驚問故曰有貞出語臣耳 上疑其泄石亨復摘有貞李賢而科道交劾其專權排斥勲舊故下獄舉朝驚懼是日酉刻大風雨拔木毀奉天殿東鴟吻禮部右侍郎湯序請脩省從之

夜慧犯壁宿


庚子通政司左叅議兼侍講直文淵閣

靖遠伯兵部尚書王驥致仕仍朝朔望

兵部右侍郎陳汝事言署部事

降徐有貞廣東布政使右叅政李賢福建布政司右叅政耿九疇江西右布政使羅綺廣西右叅政御史盛顥費廣周斌張寬王鑑趙文博彭烈張奎李人儀邵銅鄭冕陶復並謫知縣楊瑄張鵬戍鉄嶺衛 上曰風變感悟石亨等亦懼請輕其罪

鄭曉曰劉球之言行必無已巳八月之事鍾同廖莊章綸之言行必無丁丑正月之事楊瑄之言行必無辛巳七月之事五公忠憤所激遇事敢言且見死不避彼受顧指為權貴人鷹犬博一笑語者真天淵矣



王世貞曰有貞善天文地理之學自謂無遺筭其治河亦  
號能吏至南遷之議抑何舛錯懦弱也為相日裁冒功濫  
賞似矣已獨先冒濫焉屠剪勲賢快志報復傳曰不能三  
年而總小功其有貞之謂乎

辛丑謫給事中何玘等十三人為判官御史吳禎等二十三  
人為知縣曹石欲箝制言路共刺其短 上命吏部覈年三  
十五以上者留任三十五以下皆外調會風變俱復之

壬寅禮部左侍郎薛瑄致仕石亨欲為請勅教其卿瑄曰元  
世世祖賜許魯齋勅令設教魯齋歸懸屋梁終身不示人今  
若設教曷若不辭官為愈乎行至直沽餉乏子惇有愠色瑄  
曰吾道自亨也

放光祿太常二寺厨役四百九十三人  
故御史鍾同贈大理寺左寺丞子蔭國子生

癸丑脩撰岳正直文淵閣正出特簡石亨張輓值正左順門  
驟其駭其驟比入見 上欲進正吏部左侍郎兼學士亨請  
徐任之


兵部尚書石璞自湖廣召還致仕

免臨洮甘州災租

國權

天順元年

三六



寬減中外罪囚杖以下悉宥之

甲辰復李賢吏部右侍郎以左右言賢謹重不當遠謫也

夜月犯罰星

乙巳 上親告于皇天上帝兼為母后祈福時彗變占謂應  
在母后

起復左都副御史寇深

殺左副都御史蔣琳既下獄訴僉事李叔義誣已且云貴

州兵亂後邊事窘迫夷情兇狠懲奸宜嚴故多怨謗矧臣遠

在萬里豈知于謙等異謀 上不聽廷鞫論死仍畀示貴州

夜彗犯大將軍天

濟南兖青旱蝗未几大雨水傷稼

七月壬戌朔岷王徽稟請加 皇太后尊號以非故事止之

湖廣按察使馮誠僉事誠志學撫州知府王宇保定知府傅


霖大同知府霍瑄太原知府孫睿兖州同知黃瑜安州知州

陳綸金州知州王瑄濮州知州毛晟平度州知州張福武定

州同知楊忠東昌推官林琦崇邑知縣彭述樂安知縣高軒

辰溪知縣杭宗道郟城主簿方鏞皆治行卓異賜誥勅貤封

夜大星青白光自王良流織女



癸亥許中元節祭邨戾王及懷獻世子

復孫遇徽州知府遇平易為治飢民劫糴御史欲捕之遇單  
騎往諭來歸一日坐府呻吟聲白有冤耶庶得婆源有處女  
被脅強民縊死之立為申治其聲始息遇居徽十有八年麥  
有四穗者徽民世世祀之  
後軍左都督皮兒馬黑麻自迤北以族屬七十餘人來歸

乙丑廣東布政使右叅政徐有貞下獄石亨輩慮有貞復起  
為蜚語謗時政託吏科右給事中李秉彝名上之時秉彝以  
憂去久下獄訊不勝楚毒死時購得主名者官三品呂原岳  
正言購募非體乃已曹石又言此有貞客泰州馬士權以有  
貞意為此乃追有貞理之


南京兵部右侍郎宋瑛卒奉化人永樂乙未進士授禮部主  
事轉考功授內監書以河南右叅政入太僕卿遷侍郎皆中  
官力然溫雅好學予祭塋

丙寅夜承天門災

萬全都司電

卜二千餘騎入甘肅鎮番衛官軍擊斬四十九級擒三人

丁卯 上躬禱天地曰恭惟洪眷命臣承統即位以來屢見




變異深懼不勝意者事天法祖未盡誠與爵賞刑罰未當與  
忠良未盡用奸邪未盡去與所見不明信讒佞與節儉不崇  
侈財用與徵斂倍克之未息而刑獄冤抑之未雪與思過者  
躬仰體仁恩大赦天下伏祈曲賜洪原用寧邦家臣不勝待  
罪惶懼之至

戊辰勅諭文武群臣曰朕以菲德膺乾復祚圖治雖勤應天  
無效六日丙寅承天門災朕心震驚固知所措意者敬事天  
神有未盡與善惡不分用舍乖與曲折不辨刑獄冤與征調  
多方軍旅勞與賞賚亡度府庫空與請謁不息官爵濫與賄  
賂公行政事廢與朋奸欺罔附權勢與群吏弄法擅威福與  
征斂徭役之太重閭閻田里靡寧與讒諂奔競之偉進忠言  
正士不用與抑文武有司鬪冗酷吏貪冒無厭致軍民失所  
與此皆所由傷和致災而朕或未明也爾文武群臣股肱耳  
目休戚惟均直言無隱其或躬蹈前非亦宜洗心改之  
己巳都察院獄盜逸

庚午吏部左侍郎李賢為尚書

禮部左侍郎許彬調南京彬夙有文譽顧坦率無簡擇一時  
放蕩之士盡出其門晚欲謝絕遂騰謗議



命脩撰岳正仍授內監書

辛未都督同知毛忠為甘肅左副總兵協守署都指揮同知  
蕭敬為右副總兵仍守涼州

岳正謫欽州同知初正侃侃自立欲間曹石語吉祥曰石亨  
常以杜清來何也曰致誠款耳正曰否伊特偵公宜謝之  
且勸曹石解兵柄又數讖之欲併去陳汝言復徐有貞于是  
曹石言其附有貞敬謫之

免禹城縣災租

癸酉詔赦天下

徵山西按察副使韓雍下獄寧王奏雍被召行時列刀劍聲

砲上薄之尋勒免

丙子皮兜馬黑麻賜姓名馬克順都督同知伯顏達里曰于

忠克順後軍左都督

丁丑左副都御史寇深為右都御史

戊寅刑部尚書軒輅致仕

夜彗犯井宿


己卯安置迤北降人于登萊等衛

南京大理少卿王謙考滿入朝媚石亨留任太常寺

國權

天順元年

四



壬午故廣平侯袁容庶子瑄嗣廣平侯李興嗣富陽侯

李茂

芳子

薛忠嗣安順伯

薛貴侄

王琮嗣成山伯

王通子

孟俊嗣

保定伯

孟瑛也

檢討耿裕謫泗州判官陳汝言謂九疇既外子不能內也

癸未勅諭南京文武群臣


徐有貞削籍流雲南金齒衛錦衣都指揮門達窮治馬士權  
亡驗而有貞詰詞曰才堪華國道足經邦資弘毅而秉忠純  
貫天大而通今古早擢賢科首登制舉簡自先朝貽于朕用  
史館秉春秋之筆經筵陳仁義之言作鎮北州已展勤王之

偉略治水東郡復成績禹之神功由是叙長憲臺樞司風紀  
乃者奸臣謀變社稷几危賴爾忠誠以定大策遂能擁戴朕  
位光復大寶乃自中丞之職進兼司馬之權展采論思陞華  
宥密謀猷具善啟沃良多夫既屬以心腹而任之股肱是宜  
酬其勲勞而昨之茅土爰錫西周之世封用承東海之桑柘  
云々嗚呼中外宣力朕惟用爾以功左右納忠爾惟輔朕以  
德居黃閣而無典戎機厥乃禁中之頗牧直紫宸而彌綸國  
體允惟王室之甫申至是 上以示法司謂其語誇大無人  
臣禮論死會赦免有貞嘗遇異僧受歷利支天法奉斗母至

國權

天順元年

四十一




是衆以為奇術驗云有貞德士權許婚其子赦歸負盟

史鑑曰或曰國家授受自有常典徐公豈當預哉蓋公假  
迎復之功以為富貴之寔耳嗚呼是誠何言哉君臣大倫  
根于天性苟利社稷死生以之 先帝在幽閉之中至穴  
墻以通飲食勢同狴牢華督之弑宋殤子暈之弑魯隱高  
渠彌之弑鄭昭南宮萬之弑宋閔慶父之弑子盤般商臣之  
弑楚成李兌之弑主父劉邵之弑義隆皆以得罪畏誅姑  
欲脫死于一時也然則 先帝當此之時豈不謂之至危  
極殆乎而公奮不顧身決此大策翊衛 先帝出艱難之

中尊居九五其功可謂偉矣但以震主之威易生讒謗此  
正李泌所謂殺臣者五不可耳豈公之罪也哉

劉鳳曰士當無事時雍容濟盛治然猶稱焉及制變圖難  
定傾扶危決策無濡忍之言存亡以之此其謀烈願不大  
夫哉且其身嘗貴為徹侯受辱獄吏不耻謂不能裁耶人  
臣義不當二一旦被污惡言不以死明責誰當知者若有  
貞事無可疑何至今論未定也或于以司馬死罪之夫于  
誠有功于守若城下之役與乘輿南旋信預有力焉至南  
城易儲二者謙既股肱大臣且獨親信何無一言爭而謂





其猶有翊戴之意者將誰欺哉不有所廢其何以興謙與  
貞本無怨而勢適然尚何云貞之卒發由南陽之冒功乃  
謂迎衛之舉無事者又何其重誣也傳有之使好我者勸  
惡我者懼乃易之矣惜夫若士權忍死以明有貞雖任安  
田叔之義又何以加焉

何喬遠曰有貞籍二豎立功既被知春欲守正自異身為  
伊周何其壯哉得意失意在反覆間書曰汝惟不矜天下  
莫爭功汝惟不伐天下莫爭能諒矣

設遷曰徐有貞本縱橫之學以迎襄陽于司馬而陷有貞  
者即踵之曰纘烏神功俱不臣也俱子虛也函夫同術有  
貞南流亦少自悔否乎


戊子南和伯方瑛進封南和侯祿千二百石都督陳友武平  
伯祿千一百石皆世秩後軍右都督石彪封定遠伯祿千一  
百石世襲左都督楊能武強伯右都督李文高陽伯祿千石  
流爵後軍都督同知杜忠為右都督都督僉事江福董斌為  
都督同知都督同知都指揮使張鵬為後軍都督僉事  
提督漕運右都督徐恭兼理河道


江西右布政使耿九疇為四川左布政使

國權

天順元年

聖三





典史倪敬妻瘠左源汪清蘇廉祿白瑛金澤王儀孔鑰李堅

宋琛嚴樞朱倫黃讓盛景王紀馮丞吳節秦紘章亮陳顯劉

紀林璟楊敷戴昂俱為知縣

淮徐懷慶衛輝奏各夏大水濟南杭湖嘉興各旱蝗傷稼

辛卯發七十萬金勞遼東至陝西邊卒人二金

夜彗星犯水星

廣西徭賊大劫掠

杭嚴寧波金華旱

八月癸巳南京禮部左侍郎許彬調陝西布政使右叅政

戊申壽州判官王長福為知州

辛亥秦府興平王志堦薨年三十七謚莊惠

壬子廣東布政司右叅政左昂召至進左僉都御史

都督僉事張義為征西將軍總兵官鎮官寧夏

都督僉事高達理南京後府事兼撫降胡

金星晝見

甲寅安置王竑于陝西

通政使王復為兵部左侍郎左通政張文質為通政使

乙卯右僉都御史祝暹卒祥符人宣德癸丑進士

國權

天順元年

四

丙辰工部左侍郎孫弘調吏部工部右侍郎霍瑄為左侍郎  
戶部郎中翁世資為工部右侍郎弘以石亨鄉人詬事得薦  
戊午報襄陵王冲殊日出視朝禮經所載古人君是常王  
念予朝昧爽侵冒風寒親、忠愛感德良厚  
都督同知白玉僉事茹鑑陳友鮑政信喜分理五府事  
已未順天大名廣平鳳陽開封汝寧兗州東昌以東大雨水  
傷稼

庚申刑部左侍郎劉廣衡為尚書

九月壬戌朔太常寺卿夏景致仕

太常寺少卿劉儼卒字宣化吉水人正統壬戌進士授脩撰  
進侍講兼侍讀尋進右春坊大學士兼侍講脩歷代君鑑寰  
宇通志成進太常少卿景泰末主試順天失執政意凡至得  
罪儼性孝友果毅于文善出議論卒贈禮部主侍郎謚文介  
賜祭葬


何喬遠曰周叙劉儼居翰林無赫、表著之績心行確然  
君子也

甲戌後軍都督同知徐恭為右都督  
都督同知陳旺為副總兵鎮守廣西署都督僉事王瑛協守

國權

天順元年

四十五



遼東

丙子封通許王子墜為周王子姚汝南王子墟潁川王子圯  
義陽王子塏泌陽王子塽汝陰王同龔河陰王鍾鏐西河王  
進士盧秩為河南道御史

丁丑右通政李素致仕

戊寅鎮守延安綏德都督僉事楊信為都督同知

四川白江蠻攻筠連縣

慶府岐山王秩煉薨年四十三謚悼莊

庚辰瀋王佶焯薨年五十一謚曰康

辛巳陝西行都司署都指揮僉事劉傑為右副總兵官鎮守  
涼州

癸未致仕禮部尚書蔣守約仍署太常寺

乙酉光祿寺卿蔚能為禮部右侍郎

蒲州判官盧祥為禮科都給事中

丙戌復鎮遠侯顧興祖歲祿

己丑報代王仕壘曰承惠菘菜楹棹雖王國佳產道遠人艱


自後毋再

夜大星赤光自井宿流軒轅

國權

天順元年

四十六



庚寅日遣給事中閱皇城門禁

欽州同知岳正戍肅州衛鎮夷千戶所正既貶候其母于滬  
為少留兵部尚書陳汝言黨曹石啖游徼構以事徵下錦衣  
獄手拮急至涿州瀕死涿人楊四請于緹校不得乃醉之而  
竊劊其梏得達于戍

夜大星赤光自壘壁陣流南斗二小星隨之

十一月乙未都指揮姚貴為後軍都督僉事右叅將守備永寧  
丙申前軍都督同知陳旺為右都督錦衣衛指揮僉事也先  
帖木兒為後軍都督同知

辛亥左僉都御史林聰為右副都御史河間知府王儉為左

僉都御史


壬子夜彗犯平道

癸丑宣府右叅將都指揮僉事張林為都督僉事

甲寅復苟方新昌縣丞加七品俸

乙卯夜月犯太微垣左執法

丙辰釋建庶人文盡安鳳置陽初 上謂李賢曰建庶人與  
故吳庶人允熲婁屬淹繫且六十年親而亡罪朕不忍其久  
繫賢頓首曰堯舜之心也皇天后土 太祖在天之靈寔臨



陛下遂白 太后出之左右或言不可 上曰有天命者任  
為之乃居之鳳陽令有司月給米薪炭婚娶出入聽自便復  
給火者二十人遣內使曾溥等六人守視使令又勅廷臣示  
親之意建庶人幼淹繫出不辨牛馬尋沒

丁巳定京官科目三品上子孫許入國子監四品以下不允  
戊午賜中外寺額四十所

己未保定侯梁瑤為總兵官鎮守陝西

庚申署遼東都督僉事王祥卒光州人

十一月癸亥署都督僉事黃鑑銜協督糧運

己卯夜月犯軒轅右星

辛巳報襄王瞻塔曰茲予初度承惠多儀加以玲瓏碧玉之  
帶書曰分寶玉于伯叔之國予施叔父宜也乃承惠于叔父  
敬酬白金采幣匪日展親特表謝敬

夜大星青白光燭地自華蓋流入天鈞後十餘小星隨之有  
聲隆


己丑蠲濟南青州東昌田租

庚寅故吏部左侍郎兼學士曹鼐太加贈少傅吏部尚書兼

文淵閣大學士改謚文忠先謚文襄

國權 天順元年

哭



復賜中外寺額四十所

十二月壬辰左都督曹欽封昭武伯

癸巳錦衣正千戶陳綱副千戶速杲為指揮僉事

甲午夜金星犯鍵閉

丁酉大同知府李福進從三品俸

夜金星犯罰星

戊戌免山西行都司屯租

己亥錦衣衛指揮同知袁彬為指揮使

辛丑太傅安遠侯柳溥為平下大將軍總兵官右都督通興

都督同知雷通為左右副總兵武平伯陳友為游擊將軍往

陝西勦下宣府城伯衛穎為平羗將軍總兵官鎮守甘肅

丁未夜月犯軒轅御女星

戊申鞏昌衛指揮使種泰請率子弟六人自備械騎從征

許之

己酉太常少卿兼侍讀彭時進兼學士通政司左叅議兼侍

講呂原劉定之倪謙尚寶司卿兼侍講林文李紹俱為學士


尚寶少卿兼編脩錢溥為侍講學士

夜月犯太微垣右執法星

國權

天順元年

晁



庚戌命朵顏三衛入貢仍自喜峰口毋道宣府

<sup>辛</sup>壬亥勅鎮守寧夏太監王清毋採捕鷹豹

諭閣臣李賢上 母后尊號曰聖烈慈壽從之

壬子 上禱雪宮中

甲寅蠲山東各衛屯租十五萬六千一百四十五石

乙卯南京禮部右侍郎姚夔為禮部左侍郎

前左副都御史羅亨信卒字用寔東莞人永樂甲申進士授  
工科給事中坐累謫吏交趾起御史薦進右僉都御史練兵  
平涼有功改督宣大軍儲二十年己巳之變宣府几不守亨

信坐南門令曰敢棄城者斬人心始固進右副都御史明敏  
負才遇事敢任或廉謹不足云

黃佐曰土木之變社稷陷危宣府鎮節一移犬羊必乘間  
深入天下未可知也世云亨信有安社稷功而忌者僅循  
常例有遺恨焉雖然人臣事君內思盡忠盡忠之謂忠外  
思盡職盡職之謂功亨信亦惟盡其為臣者耳而奚期于  
報也哉


丙辰夜金土二星合心宿

丁巳尚寶司少卿張信言蘇浙運從大江抵淤洲壩風濤多

國權

天順元年

五





險若從鎮江裡河少險水道徑半運舡易壞裡河自新港至  
奔牛多淺窄誠疏滲淤河通港口引江入灌便漕從之

戊午仍給周王子墮歲祿二萬石

前南京戶部尚書沈翼卒字克敬山陽人宣德庚戌進士授  
南刑部主事改戶部轉餉麓川正統末進郎中尋進右侍郎  
鎮臨清兼督漕廩尚書賑飢山東抵南京盡祛宿弊平居謙  
和及當官論事能執法也

國權

監官設遷孺木著

天順二年戊寅

正月庚申朔夜有大星青白光燭地自星宿流至翼宿有二小  
星隨之

丁卯曉刻金星犯建星

戊辰免山東被災處柴炭一年重者二年


徐州大飢


科道劾定襄伯郭登先鎮大同避難引疾賄陳汝言千金自

國權

天順二年

一





南京還朝下登獄宥死追其賄降都督僉事從征甘肅

石亨言五軍營軍物故老疾諸營當送補率不至臣請徑促之使掌印官月至臣所聽勸從之

左僉都御史左鼎卒字同器永新人正統壬戌進士授御史巡山西賑山東河南七年進廣東左叅政未赴拜今官以清勤稱其召用藉權論者惜之

夜月掩星宿

辛未夜月犯井宿

甲戌 上南郊

丙子夜大星青白光自軫宿流游氣

丁丑夜月掩太微垣左執法

己卯尊 皇太后為聖烈慈壽皇太后詔天下

庚辰廣西總兵官武進伯朱瑛平永福等賊陳公嘉等斬獲

千一百餘人

壬午辰刻大星赤光自雲中流游氣

癸未朝鮮世子李璋卒立其次子暉為世子

甲申茂州同知汪浩為知州

丙戌禮部右侍郎章綸調南京

國權

天順元年

丁亥致仕左副都御史年富為南京兵部右侍郎初富忤石  
彪罷或言其廉故任之

賑蘇州飢

己丑命皇太子候時和講學

前太常寺卿兼翰林侍書程南雲卒南城人素善書

二月庚寅朔命廣西提兵官武進伯朱瑛等勦大藤峽賊

辛卯揚州鎮江多盜命太監吳昱右監丞王允中右副都御

史林聰衛指揮陳綱往捕之

壬辰毛憐衛都指揮使郎卜兒罕為都督僉事建州衛都督

同知董山為右都督

癸巳左都御史馬昂為兵部尚書

禮部尚書蔣守約卒宜興人神樂觀舞生賜祭葬

甲午後軍都督同知馬政卒 人予祭葬

乙未安南琉球二國入貢

前山西按察副使韓雍為大理寺右少卿


戊戌南京大風拔木

己亥卜犯延綏都督楊信追勦之

辛丑夜月犯軒轅

國權 天順二年

三



壬寅蠲寶坻及鳳陽淮徐田租

癸卯大理寺右少卿韓雍為右僉都御史

甲辰昏刻月食于翼宿遂犯右執法星

乙巳封都督同知楊信彰武伯為征副將軍  
總兵官鎮守延綏

丁未夜大星青白光燭地自參旗留近濁

戊申夜大星青白光自弧矢流近濁又大星赤光出自室宿  
流至近濁

庚戌遣官以江南折銀輸遼東宣府大同陝西各十萬永平

一萬易粟

禁官民服蟒龍飛魚斗牛玄黃等色

百戶童銘以冒功下獄石亨請宥從之

辛亥福建左布政使宋彰調廣東彰先坐鄧茂七事謫駙丞  
以赦還秩

命大同總兵官高陽伯李文游擊將軍定遠伯石彪領兵往  
延綏會楊信等禦下時大入延綏


夜大星赤光自亢宿流近濁

乙卯白虹貫日

國權

天順二年

四



丙辰賑涪州飢

夜大星赤光自太微東垣流左攝提一小星隨之

閏二月庚申夜大星青白色自北斗魁流上台

辛酉保定侯梁珣仍鎮守陝西

磁州人訐奏廣西右叅政羅綺謗訕朝政命逮下獄籍其家

壬戌皇八子見治生宸妃萬氏出

甲子戒諭都察院

丙寅貴州右叅將右軍都督僉事張任卒

夜大星赤光自翼宿流近濁

巳巳脩沙河行殿

壬申昏刻月犯太微垣右執法星

丁丑吏部尚書李賢等請增定諸司職掌從之

卜七千餘騎犯延綏高家堡楊信擊斬七十二級擒五人


巳卯瘞土木暴骸

曉刻大星青白光自 流五丈餘

辛巳夜大星赤光自右旗流游氣

甲申都督僉事林宏守備莊浪

夜大星赤光自右攝提流天市西垣



三月己丑前尚寶司少卿袁忠徹卒鄞縣人善相術

昏刻大星赤光自郎位流梗河一小星隨之

庚寅晡刻大星青白光自天中墜游氣

己亥復設河間長蘆鹽運司滄州分司

辛丑柳慶等蠻七千餘人攻博白縣及廣東化州都督僉事

劉玉等斬三百一級

壬寅宋讓嗣西寧侯宋誠弟

癸卯廣東左布政使陳文為詹事

廣東海盜四百餘人犯香山千戶所

乙卯宥都指揮孫顯宗罪時蒼頭私廬病商俱下法司鞫論  
如律

丙辰勅鎮守臨清平江侯陳豫東昌青萊故多安挿夷人朕

念歲游飢民流離困敝恐因而相聚為非勅至其往來飭兵

盜生剪之

太監阮安奏遣主事管理山東徂徠等處泉源從之

四月戊午朔禳旱


復山東青萊登等府管糧通判

壬戌命中官于浙江福建雲南開辦銀課

國權

天順二年

六



癸亥晉府大谷王鍾鉉薨年二十一謚懷僖

甲子昭武伯曹欽同督三千等營

召巡撫南畿右兼僉都御史李秉

乙丑皇太子初講學于文華殿

丁卯南京兵部右侍郎年富改戶部山西右叅政葉盛為右

僉都御史

發遼東官庫銀布給土兵

戊辰延綏總兵官彰武伯楊信游擊將軍定遠伯石彪搜黃

河擒四人斬三級

己巳夜月犯亢宿

庚午戶部右侍郎年富巡撫山東

辛未浙江右布政使白圭為右副都御史贊理貴州軍務

癸酉東苗十三番賊首千把豬等僭稱偽號攻劫都勻等處


命湖廣貴州提州官南和侯方瑛調兵勦之

進士姚景為工科給事中白昂為南京禮科給事中楊琮為

吏部主事

丙子太僕寺卿程信為左僉都御史

戊寅侍講周洪謨為南京侍讀



戶部奏右副都御史林聰言山東諸郡縣逃亡死絕之數覈視皆實 上曰稅糧草束急除之逃亡戶令有司盡心招撫已知尚寶司卿兼侍講黃諫為學士司安撫編脩萬安李泰為侍講

右僉都御史葉盛巡撫兩廣

石康賊攻陷博白縣

辛巳濟南兗青蝗


乙酉勅曰近聞勳戚文武大臣中多有藏匿罪人亡下有令家人強占軍民田地造室私市詭名中鹽挾制官司者夫京

師天下本貴戚近臣四方視效欲無干朕憲在守臣循禮矣比會昌侯弟顯宗侄璘令家人造房圍市利朕不敢用外戚故屈法也諸臣有犯前所云者自首免罪不肯自發者罰無赦家人投託人皆永戍邊

丙戌夜大星青白光自天棓流北斗杓

五月丁亥朔錦衣衛囚逸

興濟伯署禮部事楊善卒字思敬大興人郡學生以靖難守城除燕府引禮舍人永樂初進鴻臚寺序班改鳴贊至寺卿正統戊辰進禮部左侍郎己巳以左副都御史守門進右都





御史明年使瓦剌護駕歸及復辟封善能應對而無學術中  
枝外和永樂中時同庶吉士章朴下獄時禁方孝孺集善詒  
朴借上之遂殺朴復善秩又媚王振至天順初招權納賄  
上寢疎之平時或云于謙王文為厲年七十五予祭葬贈興  
濟侯謚忠敏

夜大星赤光自天市西垣外流天江星

戊子復張楷右僉都御史致仕

器四厥火

庚寅鞏昌衛指揮使汪釗復鎮守洮州釗甚得番夷心後移

涼州仍復之

癸巳復舒伸行唐縣丞食七品俸

召守脩偏頭關右都督杜忠

甲午 上思遼東右副總兵東寧伯焦禮懷柔伯施聚召一

見即回

夜大星赤光自中台流近濁

乙未蕪湖當塗繁昌懷寧等縣蝗

己亥夜月犯罰星


庚子前工部右侍郎張敏卒永清人

國權

天順二年

九

進士



辛丑封公錫秦王鍾鎡慶成王公鑠興平王祁鈇南樂王祁  
錫平鄉王邃塤岐陽王

壬寅處士吳與弼入朝授左春坊左諭德辭并封還勅幣不  
許遂見之文華殿從容顧問上曰重卿學行特授官僚煩

輔太子與弼終不受遂宴文華殿賜采幣羊酒薪米遣中  
官牛玉送至寓舍

卜突犯涼州安遠侯柳溥等迎戰斬七級擒十一人明日復

追擊斬三十八級擒二十一人

陝西左布政使芮釗山西山東右布政使陳翼王宇俱為右  
副都御史芮釗巡撫甘肅陳翼巡撫寧夏王宇巡撫宣府初

上謂李賢曰奉迎之人紛紛請草邊巡撫今聞武官貪縱暴  
橫無所鎮壓之朕乃知其謬卿與馬昂王翱仍擇可者遂有  
是命

夜月犯建星


丙午學士李紹為禮部右侍郎

金吾左衛帶俸都指揮使芮晟為後軍都督僉事

右僉都御史李秉巡撫大同

丁未召定遠伯石彪

庚戌監察御史孫珂錦衣衛千戶吳賢巡視紫荆居庸山海



等閣隘

甲寅鄧州知州崔富上瑞麥

夜大星赤光自天市流心宿

乙卯都督杜忠以貪污下錦衣獄

是月廣州肇慶江西大雨水萬全都司保安州大雨雹傷稼

六月丁巳朔泰寧侯陳涇荒淫下都察院

戊午魏縣主簿吳珪為縣丞

辛酉南京通政司左叅議李震為南京兵部右侍郎

前南京禮部尚書張惠卒德州人貢士

壬戌通政司右叅議徐世英調南京

乙丑征南將軍雲南總兵官右都督沐璘卒璘昂之孫蔭雲

南左衛指揮僉事景泰初以都督同知代鎮喜讀書號令施

行有古儒將風自號東樓居士

丁卯占城入貢

巡撫山東戶部右侍郎年富改左副都御史江西左布政使

崔恭為左副都御史


前右僉都御史蕭啟居鄉不法逮之

己巳庶吉士楊守陳為編脩

國權

天順二年

土



辛未安遠侯柳溥敗于涼州擒二十六人斬四十二級千  
都督雷通自永昌來援值下懷安站亦敗之斬七級擒七人  
大雷雨良鄉縣草場災  
乙亥徙山東降胡于南京  
丁丑達官都督僉事胡朶兒哈賜姓名吳順  
已卯雷震大祀殿鴿吻  
辛巳罷陝西布政司右叅政許彬  
庚辰周府汝南王子姚晃年十七謚悼和  
癸未增平陽太原通判各一專督民兵


七月丁亥逮前太平知府揭稽出鄉人尚書何文淵之門文  
淵自經稽奏其子南京禮部主事喬新等迫之脫禍喬新奏  
稽撫廣東為黃玠屬草俱逮訊釋之

戊子張瑾嗣太平侯

張軌子

鎮守獨石右叅將都督僉事周賢出塞怯下徵下錦衣獄  
已丑夜大星赤光燭地自匏瓜流天市東垣

辛卯吳與弼固辭許之勅曰朕惟英君誼辟莫不好賢求士  
聞爾與弼懷抱道德嘉遜林邱特行徵聘惠然肯來深慰朕  
心用授春坊諭德煩輔東南宮固辭難拒今仍遣行人送還



故里賜爾銀幣復命有司月給粟二石爾其優游桑梓尊仁  
樂義倘精力未衰尚無忘纂述輔教垂世以繼前賢時特聘  
物望殷重與弼錄之少所見議論無異且稱石亨門下士人  
頗訛之或謂其歸後與弟訟田餘姚胡鐸嘗詣崇仁考其世  
系無嫡弟又奚爭父產而訟之乎

陸深曰薛文清與吳康齋嘗言夢見孔子朱子二公皆質  
實人雖無妄語然不書亦可也

王世貞曰薛文清之早退吳聘君之辭秩其猶知有几乎  
文清質者也聘君篤行君子也其俱不足以有為于世明

也文清而不去且伴食矣聘君而不辭且株累矣

于慎行曰處士以虛名被徵為世所譏者一代有一人焉

漢之樊英唐之田游岩宋之种放我朝之吳與弼是也英

之徵也王良以書責之游岩之仕也蔣儼以書責之放之


匿情求名為杜鎬所譏與弼之實行不敷為張元禎所鄙

高識深見之士有並世而立者何其可盜名而欺世耶

蔣儼之責游岩曰足下受調護之寄是可言之秋唯之而

無一設悠以卒年歲嗟夫是數言者豈惟游岩愧之乎

古士人多為汗浹



鄧元錫曰李文達使河東時聞薛文清語學心大動欲執  
贄從受學以使事勿果乃心終不忘及見吳聘君降意推  
挽即尹翰林讒弗二也終全其休故好善優于相也

寧王奠培嘗忤左布政使崔恭互訐奏遣太監懷忠按之奪  
護衛改為南昌左衛隸都司

定遠侯石彪入朝墜幘及禮畢不入內班被糾不問禮科都  
給事中張寧劾奏

夜月犯元宿

壬辰夜大星青白光自雲中流至濁


錦衣衛副千戶沐瓚為征南將軍右軍都督同知總兵官鎮  
守雲南

己酉夜大星青白光自鉤陳流室宿

庚戌守備雷廉都督僉事歐信為都督同知副總兵鎮守廣  
東召副總兵都督僉事翁信

命致仕右僉都御史張楷督理陝西軍餉賂曹吉祥再得仕  
命巡撫宣府大同右副都御史王宇右僉都御史李秉預收  
糧芻儲急

甲寅刑部尚書薛希璉卒麗水人宣德庚戌進士授御史歷



刑部右侍郎巡撫淮鳳捕蝗賑飢復鎮福建平寇至尚書其  
才足任所乏廉正之操卒賜祭葬

乙卯前右副都御史程富卒歛縣人進士授御史巡江西冒  
平盜功進大理少卿歷左右僉都御史叅贊陝甘督餉雲南  
至今官雖有才而貪淫卒論祭

八月丁巳曉刻大星犯積薪星

庚申復蘇孔機永州同知

辛酉蘭縣以下道梗命右都督馮宗等以京兵三千騎往討  
尋還

游擊將軍武平伯陳友擊下千鎮番敗之尾後擒三人斬三  
十八級


夜大星青白光自羽林軍流近濁

乙丑右通政陳誠卒

丁卯右通政李素卒

戊辰卜酋字來阿羅出等以二萬眾寇鎮番涼州安遠侯柳  
溥等戰南樂堡黑山擒三十五人斬八十一級  
夜月犯壘壁陣曉刻火星入鬼宿

己巳進士遠芳為戶科給事中左贊為吏部主事



南寧伯毛勝卒初名福壽和寧王阿魯台之裔襲羽林前衛  
指揮使從征麓川進左府都督僉事充右叅將復征麓川進  
都督同知以龍門功進左都督還守京門尋征湖貴叛苗功  
封伯改名勝至是賜祭葬追封南寧侯謚莊毅  
甲戌都督同知吳良調南京右府都督僉事王喜南京前府  
乙亥立山川壇齋宮

丁丑廣西徭賊五千餘人掠賓州

己卯命閣臣作脩一統志

南京後軍都督僉事張通卒鳳陽人世天津衛指揮僉事歷

右叅將守大同與石亨俱鄭氏壻迎駕功欲以報辭之故改  
南京云賜祭葬

辛巳成安侯郭晟卒

癸未丁丑犯昌寧鎮番

曉刻木星犯太微垣右執法


九月丙戌夜大星赤光自天困流天倉二小星隨之

丁亥吳琮嗣廣義伯

吳玘從弟

己丑夜大星青白光自天倉流近濁

癸巳都察院檢校陳典庸為陝西道御史往甘涼整飭邊備





以廣寧侯劉安薦其知兵

丁酉楊宗嗣與濟伯 楊善子

大星青白光自井宿流太微西垣三小星隨之

戊戌命吏部推方面官每闕具兩人俟擇

辛丑前刑部尚書軒輅為南京左都御史總督糧儲以李賢  
薦其廉故召之

增順天府通判一專理軍政

夜月入畢宿

甲辰故工部尚書康汝祥孫健乞恩授通政司知事

乙巳夜大星青白光自閣道流天津後三小星隨之

丁未下邳召安遠侯柳溥都督過興還回


戊申曉刻月犯靈臺中星

己酉都督僉事張義為征西將軍總兵官鎮守寧夏

甲寅昏刻金土二星會斗宿金星犯南斗杓

十月乙卯朔 上屏左右問李賢政治賢得失賢極言官校出  
入逮籍罪人之弊 上密察果然召指揮使門達戒之曰敢  
不有悛罪毋赦

丁巳守制鴻臚寺序班袁應驤乞贈父故尚寶司少卿忠徹



不許


刑部尚書劉廣衡予告

已未太白晝見昏刻月犯建星

庚申少詹事劉鉉卒字宗器長洲人善書薦入翰林明年舉  
于鄉授中書舍人博學能文章其自居闇如也脩兩朝實錄  
成遷兵部主事仍內直又宣廟實錄成進侍講特命教習  
庶吉士進侍講學士同鄉楊侍郎翥以潛鄙舊人見景帝  
館于鉉嘗從容薦鉉可大同上然之鉉問而自恨曰楊先  
生館于我而累我如是乃陽為室煬以謝楊使他徒尋直日

講轉祭酒條教篤密以易儲時猶不預名憂去奪情不起服  
除復秩天順初閱前疏獨無鉉名心善之擢少詹事直講年  
六十五贈禮部左侍郎賜祭塋謚文恭鉉于脩詞艱法取雅  
潔每篇成必旬日而後出有假庵稿

劉鳳曰昔汲黯在九卿中謂能立慎非徒言論無所避也  
即聞其夙憚之所操裁異矣若公在當時以文學侍從無  
所主守何以見謂剛特當其有所發使人不寒而栗至舉  
動雖小必慎行皆有尺寸寧遲毋速利害貌不能易不  
可謂直臣哉以所後死靖難時故終其身不得追恤而劉



氏自是遂以忠義世其家雖稍陵遲子孫咸依以為重寶  
有所始之矣

辛酉詔北畿山東通租聽納莛

壬戌夜大星青赤光自紫微東藩流近濁二小星隨之

癸亥山東左布政司陸瑜為刑部尚書刑部右侍郎周瑄為  
左侍郎

御史葉亮普貪淫不法以奪人田宅娶族女為妾逮下錦衣  
獄籍其家

夜大星青白光自軒轅流參宿

乙亥葭州學正羅中請禁各鎮守太監都督等聽訟禮部議  
格之

丙子雲南左叅將都督僉事胡誌鎮守金齒騰衝

夜大星赤光自相星流北斗杓


丁丑下屢寇涼州永昌古浪莊浪山丹

戊寅上幸南海

庚辰國子學正聞禹錫乞申洪武學規立武學上然之

夜大星赤光燭地自天棊流至濁五小星隨之

辛巳連山賀縣獮賊流劫江華縣



壬午游擊將軍武平伯陳友為征夷將軍總兵官勦平寧夏  
鎮守大同東路左叅將都指揮使張瑀為後軍署都督僉事  
仍分守

禁番僧貢回販茶

南城知縣陳陞考滿入京言馬快等舡攬載私貨南京上新  
河揚州淮安臨清河西務稅商之弊 上是之

十一月丁亥戒御史引疾歸省時御史予告鄉人多訐奏故特  
禁之

戊子長至節各寺觀齋醮刑科給事中劉洙等奏斷獄忤旨

下錦衣獄

戊申分遣大臣禱雪于郊社山川

己酉南京戶部主事金鼎等摺克逮入京伏罪尚書張鳳奪  
歲俸

庚戌客星芒五寸犯耀位


辛亥前右都御史洪英卒字實天懷安人永樂乙未進士第  
一授禮部主事歷左副都御史巡撫山東景泰壬申進右都  
御史撫浙課吏被劾去端重詳雅不失長者誼云

壬子詔訪舉精通天文歷數地理課命之術送詣京師以欽

國權

天順二年

二十



天監署禮部左侍郎湯序言

甲寅免濟南東昌青兗田租

十二月戊午奪安遠侯柳溥太傅閑住溥在西郵斂兵縱下也

庚申句容縣丞劉義為知縣

壬戌夜客星没井宿

癸亥卜犯寧夏歸德口暖泉官軍射卻之


甲子中軍都督同知郭震卒

丙寅南京吏部左侍郎鄭泰卒字景陽舒城人永樂辛丑進士授禮科給事中歷官雖無赫赫名才固足稱也予祭葬

戊辰故祭酒李時勉孫乞恩入監許之

己巳都督僉事宗勝巡按御史李敏奏開直沽河初大河衛百戶閔恭言南京各衛漕舟三百五十艘輸薊州等衛越大海七十里多險溺竊見新開直河沽北距薊州直四十餘里且水深間有阻隔若穿渠以通可無海患故勝等奏從之

刑部尚書劉廣衡卒字克平萬安人甲辰進士授刑部主事歷郎中有能名進陝西按察副使民鮮冤獄進右布政景泰初擢左副都御史鎮陝西言事多採用還佐院錄囚南京討閩浙寇尋提督遼東軍務天順初改刑部左侍郎至尚書通



敏守法不立崖異時以詩稱

丁丑肇慶府同知饒秉鑑為知府

出帑金召商納草

戊寅免開封汝寧懷慶衛輝去年災租七十萬一千四百六十四石

庚辰罷舉經明行脩賢良方正儒士以奔競冗濫也

壬午廣西流賊四千餘人陷連山縣掠陽山連州

癸未脩彭縣萬工堰


卜三萬餘騎犯延安各邊營

武強縣苦井脩甘列

前右春坊右庶子兼翰林侍講趙恢卒恢字 連江人宣

德癸丑進士

是年命左副都御史崔恭浚吳淞江分三縣崑山自夏界口至白鶴江四千六十七丈上海自汴家渡四千六十七丈嘉定自卞家渡至莊家溼五千五百六十七丈各深丈有一尺博十丈二尺出舊江萬七千七百一丈



國權

天順三年己卯

正月乙酉夜大星赤光燭地自文昌流紫微一小星隨之

丙戌命法司錦衣衛秘獄毋泄

悟玄養素凝神冲默闡教振法通妙真人即以正值宴致之

毋殿上


撞賊破錦田千戶所

庚寅祭酒陳詢致仕

國權 天順三年

監官設遷孺木著

國家圖書館, NATIONAL CENTRAL LIBRARY, TAIWAN, R.O.C.



辛卯夜月犯井宿火星犯軒轅木星犯左執法土星犯建星

癸巳夜大星青白自河鼓流天市垣

乙未 上南郊還宮僧錄司右覺義兼智化寺住持然勝乞  
故太監王振贈謚命議之

命捕蝗種于山東河南兩畿

丁酉夜大星青白光自河鼓流游氣月犯軒轅

辛丑夜月犯平道東星

甲辰 入安邊營總兵官定遠伯石彪等擊敗之轉戰六十  
里斬平章鬼力赤擒四十七人斬五百一十三級畜產二萬

餘都督僉事周賢中流矢死之又 入把都河把總指揮伯

賢擊斬一級被圍都指揮李鑑陷沒贈賢都督同知賜祭葬

子玉襲陞都指揮同知

暫停南京官吏食鹽資餉


夜大星青白光燭地自紫微西藩流天鈎

丁未夜月犯鬼宿又大星青白光自星宿流游氣

巳酉夜大星赤光燭地自雲中流北斗魁

壬子安遠侯柳溥閑住進馬駝卻之

癸丑慶遠府同知葉禎率民兵擊賊死之字夢吉高要人宣





德乙卯貢士歷潯州鳳陽慶遠同知劇盜常父強悍嘗計擒  
之未几賊圍旗山趨敗之子公榮死賊又攻雞刺等寨禎請  
守備都指揮黃越出戰越同知府黃振飲酒詆禎激變禎怒  
揮土兵三百人赴之行至柳青舖伏發殲焉蓋忌者世師故  
甚敗嶺南故無雪是日大雷雨雪尺許賊駭遁黃越果誣禎  
激變郡人不勝憤走愬右僉都御史葉盛以聞于朝贈禎朝  
列大夫廣西布政司右叅議制曰蘇緘擊智高于雖管偕孫  
子以捐軀馬暨挫海牙于靜江傾將士而絕命禎之節義奚  
讓古人立祠慶遠

何喬遠曰孔鏞陶成毛吉葉禎並有功嶺南毋論事濟不  
濟毛吉至死心事皦如禎一門子侄遇害制書比之蘇緘  
馬暨信夫

夜大星赤白光自牛宿流近濁

二月甲寅朔命遼東右叅將都督僉事劉端春夏駐遼東都司

秋冬田廣寧

禁陝西各邊官占據草場兩廣盜蜂起特禁有司貪恣貽害

乙卯儒士楊仕俊為中書舍人


楊榮孫

夜大星青白光自翼宿流至濁

國權

天順三年

三



辛酉巡按四川御史周必兆枉道私還安福被訐削籍

甲子免真定廣平去年災租夜月掩軒轅御女星

乙丑郭昂嗣成安伯 郭晟弟

丙寅御史呂洪同內官採珠雷廉

戊辰國子司業曾暹致仕

己巳提兵官定遠伯石彪回大同

庚午建州等衛野人頭目乞貢回道買牛耕種從之

壬申編修吳滙為國子司業 夜月犯罰星

癸酉夜月犯南斗

乙亥聞建州衛都督古納哈董山等坐私謁朝鮮受賜拜中

樞密使特勅諭國王李瑄以禮科給事中張寧錦衣衛指揮

僉事武忠往

進士柳瑛石澄為戶刑科給事中

己卯琉球入貢

通事指揮僉事哈密降副千戶謫貴州衛銘侍北狩及復辟

嘗擅入內府乞陞命錮之錦衣獄所善達官也先帖木兒伺


上曹吉祥宅祈釋獄 上怒銘併錮也先帖木兒

林之盛曰哈銘雖裔夷能與袁彬一心保護共濟艱危且

國權

天順三年

四



開諭伯顏首啟左賢海潮大魚之喻卒返乘輿功亦不偉  
哉借使漢公卿得援金日磾故事而斟酌其罪不沒其美  
謂非懷敵拊遠之一事用夏變夷之文德也耶

庚辰武安侯鄭宏下獄宏清明謁陵道獵歸馳神道也

增通州大運倉

辛巳左順門門正忽思忽言臣海西女直人姪佟預知書求入  
國子監許之

禁翰林院譯字生泄事

壬午增鄉會試詩書易房同考官各一人


夜大星青白光自文昌流近濁

巡撫遼東左僉都御史程信使自在知州佟成託他事至建  
州境伺董山潛結朝鮮事境上得朝鮮董山正憲大夫中樞

院使制書 上命兵科給事戶 詰朝鮮 錦衣衛

往建州皆謝罪

三月癸未朔巡撫大同李秉下錦衣獄秉行事勁正諸將皆不  
便之會守備天城奉御陳例久病秉請代以長隨羅副 上  
怒秉專擅下詔獄門達言秉先巡撫南畿妄薦歐陽熙史宗  
禮為御史李周等解罪而又有言秉不容山西都指揮僉事



孫瑛治司事擅退指揮使徐旺領騎操收山西所解山西瘠  
病馬欲令守墩臺卒六月一更 上俱命達接下刑部東當  
徒贖特削籍

甲申勅諭建州左等三衛右都督董山都督同知古給哈納  
郎哈等以私教朝鮮爾宜自省

左都督劉深為征蠻將軍總兵官鎮守廣西

乙酉祭故武平伯陳友擊 子鎮番衛敗沒

戊子昏刻月犯井宿

前侍讀尹鳳岐卒吉水人永樂戊辰進士歷編脩 撰文思

敏贍性剛直持論侃 忤時貴以刺員需次終士論惜之

巳丑左叅將都指揮僉胡鏞為總兵官鎮守薊州永平

事

壬辰增建南內翔鳳等殿拓之


甲午月犯太微垣左執法星又星赤光自天市西垣流井宿

乙未河南左布政使胡本惠按察使王繫經歷褚宣真定知

縣王徽并陘知縣陳璘常德推官李綸俱卓異賜誥勅

丙申進士楊繼宗為刑部主事

昏刻大星青白光自中天流十丈所三小星隨之夜月犯建星  
癸卯召定遠伯石彪武平伯陳友



大理寺卿李賓喪母許奔喪還任

甲辰朶顏衛都督同知朶羅干為右都督

戊申廣西蒙峒苗三千人流劫靖州綏寧守備都指揮汪迪擊斬六十六級

庚戌湖廣布政使左叅議劉益為祭酒

四月壬子朔巡撫兩廣左僉都御史葉盛奏灕水縣撞賊鳳弟

吉糾廣西盜恣掠擊敗之擒鳳弟吉等十五人斬三百三十級

癸丑夜大星赤光燭地自左旗流女宿

丁巳秀王冠

辛酉李賢言首孛來懼不敢貢窮益入犯宜出榜招諭或

給食但悔過進貢如冥頑不悛出兵未為晚 上然之


賜東宮及諸王庄田

癸亥閉青田縣銀坑其景寧縣採辦如故

金星晝見

己巳定遠伯石彪進封定遠侯武平伯陳友進封武平侯各祿千石甘肅副總兵都督同知毛忠右叅將都督僉事李榮為左右都督

南和侯方瑛右副都御史白圭等勸東苗克之斬四千七百



九十級俘二把豬等二十人于京師擒三百三十人

右僉都御史張楷回自陝西調南京

廣西流賊糾廣東懷集縣撞賊陷開建縣

辛未桂林潯梧等徭獠出掠勅鎮守兩廣左少監阮能

朱詳提兵官左都督劉深副提兵都督同知歐信等協勦

癸酉金星晝見夜土星守犯建星

甲戌起復巡撫陝西延綏右僉都御史徐瑄

逮雄縣知縣秦紘錦衣獄時奉御杜璧獵天鵝拒之堅訴于

上被逮邑人數十訟寃宥之調知府各縣

丙午進士楊瓚為吏部主事

戊寅都督同知雷通卒無為人

乙卯夜火星犯靈臺上星

五月壬午朔編脩馬昇檢討傅宗為雲南布政使左右叅議五


經博士鮑相為福建都轉運鹽使餘外補有差初陳循等薦

昇輩于詞林皆不由科第率鈇鄙李賢以脩一統志非科第

俱外之

甲申禁商旅以違禁物貿易諸夷

丁亥命都督顏彪率兵京赴鴈門關備胡



勇士都指揮使馬良為都督事僉

庚寅夜月掩平道西星

癸卯昏刻大星犯太微垣右執法星

丙子南京工部右侍郎龍文卒泰和人

丁未郭昌嗣武定侯

郭英孫

金谿知縣吳禎為御史協理廣西軍務

己酉 上語李賢以迎復事賢曰迎駕則可奪門非所以示

後世內府之門可云奪耶奪門者自大其功耳景泰不諱天

下非 陛下而誰 陛下復位百辟奉迎者舊在列無功可

賞無罪可僇豈復以群小為朋招權納賄殃及忠良上于天

象者哉易曰開國承家小人勿用此之謂也 上大是之

設遷曰石亨等俱粗才貪天之功幸而集事迎駕可也倡

為奪門必徐武功張其說當時禁衛沉、虎旅順命未嘗


奪韓通之烈抗北軍之勢也何言奪門哉南陽一言以悟

主不啻啟沃自是弁鷗絀賢路澄矣

曉刻金星犯畢宿

前南京祭酒陳敬宗卒字光世慈谿人永樂甲申進士授刑

部主事改侍講宣德初進南司業累祭酒十五年師道嚴重



一語不妄諸生雖登顯要來謁猶執故禮不敢失敏學善書

片章尺楮皆闕名教年八十三賜祭

廣西流賊破容縣掠潯梧柳慶南寧諸郡縣

六月辛亥朔建州右衛都督同知納郎哈為右都督

戊午滿刺加國王子蘇丹芒速沙入貢

己未刑科給事中劉洙為應天府丞山東按察副使項忠為

陝西按察使

庚申夜月犯氐宿

辛酉下道召還顏彪

命巡撫官以歲八月入京議事

乙丑起復通政司左叅議楊樾

丁卯下陝西道御史何楚英錦衣獄以巡光祿寺斃奸役朱

氏法司議贖杖還秩竟械都察院前三月謫平南縣主簿

戊辰免開封去年災租

辛未昏刺木星犯太微垣右執法星


七月庚辰朔工部侍郎翁世資都督僉事趙輔運徐州夾溝呂

梁三堡積木

辛巳杭州府同知馬偉為處州知府

國權 天順三年

十





禁浙直緣海軍民以大舟持兵下海

壬午勅戶部主事李璵同進士徐源覈四川行都司及松潘等倉糧

癸未免常德襄陽荊黃去年災租

丁亥侍讀學士錢溥侍講萬安主試順天

戊子封幼壻藩王竒源晉世子竒漢義寧王子博臨汝王司

鑣睢陽王成鏗和川王邃堦弘農王

己丑泰寧衛都督僉事草干帖木兒為都督

禁湖廣人通番僧販茶

庚子錫蘭山國王葛力生夏刺昔利地交刺惹入貢

壬寅夜月掩畢宿

河南道御史劉泰卒海鹽人景泰辛未進士選庶常任御史


己酉陽和侯方瑛攻東苗克二百三十四寨斬二千三百六

十七級擒首從四百六十三人

思恩王官廣西右叅政岑英改都指揮同知聽徵

御史劉濬巡按甘肅託疾謫縣主簿

八月庚戌朔定遠侯石彪下錦衣獄彪在大同傾左副都御史年富又教侮總兵官李文聰兵官以彪欲城威寧海子為流



言誣其異志 上固疑彪 乃令大同千戶楊斌等三十五人詣闕乞留彪鎮守 上覺其詐會北卜入貢羅拜彪于朝呼石王益疑之下彪獄鞫斌等果受指使 丁巳學士劉定之倪謙主試應天

昏刻月犯南斗夜大星青白光自紫微西垣流北斗杓

已未勅曰我 太祖高皇帝立綱陳紀照臨天下諄諄誥戒董正百官製鉄榜以諭功臣當時臣下凜凜近來勛戚府部院寺等大臣及近侍官多不依禮禁私相交往甚其阿勢泄事因而結構百端如定侯遠石彪圖謀鎮守令指揮等官假

奏詞事被發劾輒有近侍潛報消息官之不正莫此為甚進今後爾文武大臣無故不許往來給事中御史亦不許私謁大臣敢有阿附漏泄輕則廢戍重則處死錦衣衛指揮親軍近侍尤不合與諸臣交通他衛指揮以下非出征時毋輒候公侯門違者如鉄榜處治

勅鎮守浙江江西太監盧永葉達福達少監馮讓選良家子娶婦知書數者充女官六尚


夜月犯建星

庚申田州府頭目呂趙殺知府岑鑑

國權

天順三年

十二



甲子禁福建人聚眾販鹽

以兩淮餘鹽十萬引充陝西邊餉

丙寅 科給事中陳嘉猷行人彭盛往封滿刺加國王子故

蘇丹芒速沙為國王并祭故國王速魯檀無答佛那沙

丁卯日色如赭夜月亦如之

戊辰遣右僉都御史王儉錦衣衛指揮僉事逮果往大同執

都指揮使朱諒等七十六人械治京師以附石彪也

辛未召致仕戶部左侍郎孟鑑調南京工部

免杭衢台嘉興紹興金華今年旱災田租

壬申脩武伯沈煜刑科給事中王儼以封藩王受餽 上遣

校尉覘得之逮下獄煜奪歲祿儼貶郟城主簿

乙亥書告宗室諸王曰正統初勅朝使無得需索王府物犯

者處死家成邊嚴矣脩武伯沈煜給事中王儼近復玩無忌


王府資費有限豈堪如此念我親族申明舊例後有違至者

飲饌之外毫無與也

免武昌長沙岳黃衡永辰沅漢陽寶慶常德今年水災田租

丙子免河間今年夏麥

己卯調石彪黨都督僉事石寧等五十六人于外衛九附處



進者皆敗斥之

九月辛巳濟源縣進瑞麥

夜大星青白光燭地自闕邱流近濁後三小星隨之

甲申廣西流賊犯廣州界命右僉都御史葉盛并提兵鎮守  
等官調度所在官軍**壬**兵勦之

辛丑起復巡撫延安右僉都御史徐瑄

癸卯巡按山東御史田景暘還朝納印微損下獄

夜大星青白光自昴宿流婁宿

乙巳免濟南東昌青州去年夏稅

丙午建安縣老人賀煬言四事曰近縣令監生多近六十歲  
日暮貪冒今後縣令必科甲監生年壯者試而銓之曰景泰  
間錄顏孟程朱之裔授翰林博士官而未祿宜各給本俸曰  
忠肅公黃榦文簡公劉燾文正公蔡沉文忠公真德秀宜侑  
朱文公祠曰義民出粟濟飢宜疏飢民姓氏驗義倉給放俱  
議行之

丁未夜大星青白光自天苑流近濁一小星隨之


十一月己酉夜大星赤光自參宿流雲中

庚戌陝西道御史何楚英杖斃

國權

天順三年

十四



昏刻大星青白光燭地自危宿流游氣夜大星青白光自天  
廩流天廐

癸丑代府廣靈王遜炆薨年五十八謚榮

召懷來永寧右叅將都督僉事姚貴守備代州署都指揮僉  
事李端守備偏頭關都指揮同知袁勝俱石亨姪

甲寅勅贊理貴州軍務右副都御史白圭巡撫湖廣

夜大星青白光自天倉流壘壁陣曉刻金星犯亢宿

丙辰都指揮僉事徐福等戍柳州衛以大同四衛府折俸布  
納之石彪

夜大星赤光燭地自天舩流北斗杓

丁巳夜大星青白光自天軒轅流太微西垣


己未 上幸南苑

前南京太僕寺卿仲昌卒沐陽人永樂二年進士

壬戌鄆城訓導盧欽請追僇吏部尚書王直及陳循等為亂  
賊戒命下錦衣獄蓋謁選不得南闕故也命削籍

甲子夜月犯畢宿丙寅夜月犯井宿戊辰夜月犯鬼宿


己巳右僉都御史韓雍奔母喪赴任起復右副都御史林聰  
命忠國公石亨閑住初亨持功凡奪門迎駕者出自亨口皆



得官前後四千人文武競趨其門賂至乃白上學士大夫  
稍有嫌輒得罪久之上漸厭亨其始有請盡見從亡何可  
八九矣又亡何可四五又亡何可二三耳于是命閣者曰搃  
兵不可輒至禁廷非有詔毋內也然亨雖驕恣尚粗豪直爽  
軒豁無机定遠侯石彪險譎矜詡矣錦衣衛指揮僉事速呆  
與指揮使門達始用亨至是乃自異達等治彪獄得繡蟒進  
龍衣遠式寢床亨私遣義男後衛指揮同知裴瑄出居庸市  
木兵部召瑄不得向亨索亨佯不知呆使人自大同械至彪  
弟慶數自居庸抵大同擅乘官馬率官司飲饌不當意罵叅

將張鵬等如奴隸彪在大同代王增歲祿彪言王臣與父亨  
為王請王長跽謝彪曰索王伎奉酒博野王生子彪賀王延  
款至暮送青囊等物彪還京師隰川王遣其長子攜酒禮造  
餞玉林衛軍一女美彪強汙之取至其家十日軍人且告彪  
繫之獄竟瘦至于是法司錦衣衛并劾亨上命亨閑住許  
冒奪門陞官者自首改正敢隱者治罪凡首改四千餘人  
辛未唐王芝壩進白鹿書謝之

前巡撫山西右僉都御史蕭啟卒龍泉人進士授御衣巡歷  
有聲進山東按察僉事憂去己巳起今官嚴正自持行事周



密人皆憚之

壬申夜月行太微垣中

乙亥科道劾石亨宥罪不謝心懷怨望乞正其罪 上置之

戊寅夜大星青白光燭地自八閤穀留閣道

安南臣黎淙弑其主濬而自立僭號天興淙濬之庶兄

淮揚巡撫滕昭言建庶人吳庶人俱安置鳳陽官軍巡柝擊

聲聞陵寢或事出意外乞移鳳陽廢中書省嚴防 上不聽

十一月癸未南和侯方瑛卒全椒人襲世錦衣指揮使從征麓

川殺獲賊歷都指揮使都督僉事充叅將守備雲南孟養戰

勝景泰初以都督同知鎮貴州敗苗進右都督總兵官征香

爐山賊進左都督五年封六年征銅鼓五開斬獲功多留鎮

貴州天順初論功進侯予世伯謙和不矜廉介若怯至行師

則紀律明賞罰信臨陣勇決尤善撫士卒西隅夷人深德之


賜祭塋謚忠襄

乙酉曹州學生徐貞上萬壽頌

夜大星青白光燭地自天舡流勾陳三小星隨之

壬辰命設策賑常沙常德長永衡岳及銅鼓五開等衛飢民

乙未減饒州陶器八萬時光祿寺議造十三萬三千有奇



壬申山東都指揮僉事樂敬防盜沂州

己亥下中軍都督同知楊旺戶部右侍郎楊鼎等錦衣獄以  
祀陵不謹也旺在獄自刎死

癸卯免真定去年災租

丙午徵巡撫遼東右僉都御史胡本惠程信以胡本惠為左

副都御史代之

戊申召商于京師各場納草

鎮守廣西總兵官左都督劉深卒合肥人

十二月丙辰河南左布政胡本惠為左副都御史巡撫遼東整

飭邊備

設四川灌縣太平堡通董卜韓胡宣慰司

夜月犯天廩星

庚申吏部右侍郎張用瀚調陝西布政司右叅政刑部右侍

郎黃任僑調廣西布政司右叅議俱賂石亨進

蘇州知府楊貢削籍常熟錢曄納貨官浙江都司經歷家居

僭侈貢收曄奏其罪曄亦誣貢酷害俱逮入京曄豪而譎竟


計脫反坐貢

進士石 以從祖亨得疾家居不下之獄削籍

國權

天順三年

大





建安老人賀煬請嚴選教官以重師道從之

癸亥夜月犯鬼宿曉刻木星犯亢宿

丁卯右軍都督同知改正仍署都督僉事劉紀

戊辰錦衣衛指揮僉事速果為指揮同知

昭武伯曹欽請辭爵不允

壬申免宜山縣田租一萬三千五百八十石有奇

癸酉南京吏部右侍郎蕭璉調湖廣布政司右叅政刑部右

侍郎朱銓調貴州布政司右叅政大理寺右少卿翟敬太常

少卿王謙調惠州夔州知府俱賂石亨進

乙亥湖廣左叅將都督將軍李震為平蠻將軍總兵官總守


湖廣貴州

丙子增大木廠舍

選三千營卒百人充御馬監勇士飼鷹

丁丑苗孽來以二萬人掠榆林次于沙山飭邊將嚴備

是月兩廣總兵官會兵廉州勦賊流入高州陷四宜所城











國家圖書館 NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





3393404 v. 21

國家圖書館, NATIONAL CENTRAL LIBRARY, TAIWAN, R.O.C.







憲宗

繼天凝道誠明仁敬崇文肅武宏德聖孝純皇帝 御諱見深




英宗睿皇帝之長子也母貴妃周氏正統丁卯十一月庚寅生紅光滿室歲大稔越己巳值北狩 郕王監國奉 皇太后命立為 皇太子景泰三年改封 沂王 英宗復辟仍皇太子初名見 至是更今名詔失言其故海內驚疑久之始得實戊寅出閣就學廣額豐頤威容如神 英宗嘗卜其

福德


國權

泰順八年

三



國家圖書館, NATIONAL CENTRAL LIBRARY, TAIWAN, R.O.C.



甲申天順八年正月甲寅朔年十八甲申 英宗賓天

庚午頒遺詔

乙亥 上即皇帝位詔曰洪惟我 祖宗誕膺天命肇開帝  
業為生民主凡百年矣聖聖相承勤於治國武功文德紹休  
前聞暨我 皇考皇帝恢宏政治二紀于茲厚澤深仁有以  
衍皇明萬世無疆之祚不幸奄茲遐棄遺帝神器付予眇躬  
顧哀疚之方殷奚遽忍于繼承而親王文武群臣及軍民耆  
老累表勸進誠切意堅朕不得已仰遵遺命俯徇輿情于正  
月二十二日祇告天地宗廟社稷即皇帝位自惟涼薄勉懷


永圖嘉與中外親賢率循至道惟敬是持惟誠是立惟仁義  
是行惟古訓成憲是式庶臻于治康我兆民其以明年為成  
化元年大赦天下與民更始所有合行事宜條列于後云々  
於戲體元居正宜宏經世之規發政施仁用錫普天之澤尚  
賴宗室親王文武賢臣協德一心恭勤乃事以弼予于至治  
誥告中外咸使聞知  
丁丑北馬可古兒吉思王子及太師孛來入朝千人貢馬  
三千匹

戊寅禮部言禮君喪三年不祭惟祭天地社稷越紼而行事

國權

景泰八年

四



不敢以卑廢尊以已喪廢公事也今二月祭太社太稷請如  
禮行之釋奠先師遣官如故但免傳制從之

勦岷州叛番

已卯量賜貢夷段匹舊賜鈔

故廣西布政司右叅政羅綺釋獄還其家產

壬午典壘局丞王綸翰林侍讀學士錢溥有罪下獄溥嘗

授內監書綸受業大時行溥意綸預事密遣門人尚寶司丞

朱奎致意綸曰飲溥所大學士陳文隣而知之又奎以晉州

知州鄒和遺綸書或曰此溥所草密詔也綸漸矜肆加貂裘

上 上惡之司禮太監牛玉忌綸軋已又贊善牛綸中允劉

珣俱忤溥嗾人白其事逮論會赦謫綸南京閤住溥順德知

縣奎益運司副使提舉和雲南瀾滄衛經歷株及夙好兵部

侍郎韓雍貶浙江左叅政順天府尹王福貶兩浙益運使治


中邱晟貶福州同知通政使司右叅議趙昂貶瑞州同知南

寧伯毛滌都督馬良謫廣西都督馮宗謫廣東錦衣衛

都指揮僉事門達指揮同知郭英陳綱指揮僉事呂貴俱謫

貴州達都勻衛英安南衛綱赤水衛貴平越衛皆帶俸差操

勅責廣東總兵官泰寧侯陳涇等玩寇殃民亟勦賊贖罪



二月甲申朔 上御西角門視事

撫寧伯朱永等治山陵

丁亥賚文武諸臣

吏部尚書王翱祀先師

戊子祭太社太稷

壬辰石亨子浣石彪子玉俱給配會昌侯孫繼宗釋為編氓

癸巳勅總兵會昌侯孫繼宗訓練營兵

乙未上 英宗法天立道仁明誠敬昭文憲武至德廣睿睿

皇帝尊謚


戶科給事中童軒上五事曰

門達怨望復下獄論死籍其貲萬計初刑科都給事中金紳  
等論達罪浮于謫謹命廷訊法司言達恃恩寵藐法玩弄威  
權文網苛細大獄屢興內直垂簾別舍置繫假託 上旨恣  
行忍貪官校驛騷子弟交通為奸利其黨指揮張山等亦論  
死都指揮 循等戍斥有差後錄囚成達南丹衛都指揮袁  
彬已還職率僚餞郊外揮金為裝人多彬不宿惡有古長者

國權

景泰八年

六



風

賜諸王金綺有差

進李賢少保并陞宮寮

匠役姚旺傳陞文思院副使

召袁彬復署錦衣衛事

頒詔朝鮮安南

廣西巡撫右僉都御史吳禎勅總兵秦寧侯陳涇縱寇臨城

之罪下兵部議

乙巳大風霾

丙午土木金星聚危宿金木犯壘壁第六星

戊申傳陞太醫院等官

齊南京叅贊及各巡撫鎮守守備兵備官并邊卒

壬子風霾晝晦隱有雷聲

是春命尚寶司卿凌任行人邵震頒詔安南賜黎灝皮弁服

常服各一襲

三月甲寅朔尊 皇后錢氏為慈懿皇太后母貴妃周氏為皇


太后初 兩宮並尊大學士李賢彭時力言 錢后宜少異

上從之

國權

景泰八年

七



減兩京供用庫及司苑等局歲白糧荳麥茶蠟各十之三

揚州備倭都督僉事董宸巡撫王竑脩江北沿海斥堠

乙卯頒兩宮尊號詔內雲貴川廣土司告嗣驗狀予之襲不  
必詣闕西南夷使之而驕悍亦始此

監生孔儒王鑰薛謙李獻為南京監察御史

丙辰安南國王黎灝乞冕服不允賜皮弁袍帶

前府署都督同知王端卒通州世涿鹿中衛指揮同知

廣西蠻入梧州北流等縣

丁巳刑科都給事中金紳上八事持恒久以守新政勤接見

以論治道納忠言以致躬行舉賢才以備任使擇重臣以脩  
邊惠明黜陟以行新政設武學以育將才用武勇以滅盜賊  
上納之

河南按察副使張諫為順天府尹


戊午大學士李賢等請放宮人釋浣衣局婦女命即行之

御史呂洪等言八事正君心去倖進獎忠直嚴黜陟明賞罰

汰冗濫審罪囚慎刑罰 上納之

占城國王槃羅茶全貢馴象訴安南侵擾諭解之

廣東嶺東道僉事毛吉屢破賊進副使賜勅



己未復樊英監察御史

辛酉大學士李賢乞遵 祖訓嚴番僧宮門出入之禁從之

前工部右侍郎吳復仍理柴炭復致仕特與援喉柴役疏留

乙丑太常寺少卿兼翰林學士林文致仕

丙寅徙錦衣衛城西獄門達私置

戊辰廷策貢士吳鈺等二百四十七人賜彭教吳鈺羅璟等

進士及第出身有差

夜月犯氐宿

己巳南京翰林侍讀周洪謨言人主守神器之道三力聖學

脩內治攘外侮而力聖學之目一曰正心脩內治之目五日

求真才去不肖旌忠良罷冗職恤漕運攘外侮之目六曰選

將帥練士卒理陣法治兵器足饋餉靖邊陲命酌行之

壬申召各總兵官甘肅衛穎遼東王琮宣府董興延綏張欽


蔚州馬榮大同副總兵盛廣遠東延綏宣府巡撫都御史胡

本惠徐瑄李匡入朝俱年久聲不著

復都督僉事郭登定襄伯平羗將軍總兵官鎮守甘肅安武

侯鄭宏征下將軍總兵官鎮守遼東都督同知顏彪鎮朔將

軍總兵官鎮守宣府都指揮同知張傑靖下副將軍署都督



僉事總兵官鎮守延綏脩武伯沈煜總兵守鎮守薊州永平

山海關都指揮僉事李英右叅將分守大同西路

起左僉都御史滕昭巡撫遼東改雲南右僉都御史李秉巡

撫宣兵科都給事中徐廷章為右僉都御史巡撫延綏府

復岳正翰林脩撰楊瑄御史

癸酉琉球國中山王尚德入貢

甲戌廣西流盜入廣東劫新興縣楊江及雷廉高州官軍擊

斬二百八十級

乙亥太監陶榮乞寺額勅禁之

翰林侍講李泰為侍講學士

丁丑總督南京糧儲左都御史軒輓為南京左都御史

戊寅禁匿名書

南京戶部左侍郎陳翼總督南京糧儲

太保會昌侯孫繼宗兵部尚書馬昂選京兵十二萬人分十

二營奮武耀武練武顯武敢勇果勇鼓勇效勇立威伸威揚

威振威遇操給事中御史巡察


沈一貫曰盡天下衛所軍不能當九邊盡九邊軍不能當

京師此高皇帝居重馭輕之永計也兵不強則有夷狄

國權

景泰八年


十





盜賊之憂兵強又有兵憂夫使其強而無憂必有方矣凡  
言京營弊者不過曰寡優卹也勞工役也教練疎也隱占  
多也雖有堯舜不能衣食天下負人今制于優卹不薄矣  
獨患不實則有司之罪而于振飭此也何有兵興則廬舍  
并園橋梁道路皆其事豈復借役于他人哉而用之執工  
何碍于習勞以此為憊則供張而坐奉之乎教練將帥事  
耳亦不為難惟隱占城社之奸最不易問而 肅皇帝奮  
除中貴人不許監軍則所謂大斷此制既定而猶不免有  
隱占小偷也且治之耳由斯而設諸弊可立去猶無強卒

何哉夫殺敵之事非可以數習能也必嘗從大將軍出塞  
履鋌鍛冒矢石而後可故徐理之論精出京軍燒荒冬出  
春歸屢凡習見邊情而臨敵不懼楊博之論請摘兵萬餘  
番戍諸邊更涉勞苦以轉其驕脆之習皆石計也正德間  
流賊四起則充調京營宣府兵各三千往來操習當其時  
人有引狼入室之憂而不知盜賊不舉左足窺京師蓋  
亦其功戍之變咸寧調邊兵入防又請以京邊軍雜戍  
之以幾轉弱為強之效然而人非之何與此言出于徐理  
楊博之口未始不以為可此言出于江彬仇鸞之口未始



以為可存乎其人亦存乎其時也乃若趙殿學分營練兵  
之說終當採行既防其焚復蓄其燭慮至遠矣

廣西盜陷陸川平南等縣

已卯選庶吉士李東陽倪岳謝鐸張敷華陳音焦芳汪鏐郭  
璽計禮傅瀚張泰吳希賢劉大夏劉道王璿董齡杜懋史芳

太常寺少卿兼侍學士劉定之學士柯潛教習

庚辰四川盜流劫銅梁定遠內江永川等昌等縣

楚府永安王子均鈿嗣楚康王

辛巳曉刻木星犯壘壁陣東第五星

外戚錦衣衛正千戶周壽為左府都督僉事

四月癸未朔享太廟奉 孝恭章皇后神主

酉刻日食不見天文生賈信下獄初欽天監言正谷瀆等言

日食僅五十秒例不救護信言日食六分六十六秒斥瀆等

廣西盜流入廣東石康等縣殺駙丞林安等執海北鹽課司


提舉鄒賢翁良等

乙酉四川安岳縣流盜平

已丑四川按察副使劉清都指揮劉雄值盜羅江雄被殺

中府都督僉事劉紀卒 世揚州衛指揮使

國權 景泰八年



庚寅勅會昌侯孫繼宗太監劉永誠提督京營

壬辰命內臣監槍太監周中奮武營右少監王亨耀武營太

監唐慎練武營右少監林貴奉顯武營太監張溫敢勇營右

少監趙永果勇營奉御林達效勇營太監來童鼓勇營左副

使高廉立威營奉御王璇伸威營右副使張璘揚威營奉御

張紳振威營

設裕陵祠祭署

甲午 孝恭章皇后神主祔太廟

四川盜入漢州德陽縣殺指揮夏正劉演千戶彭珍

乙未刑部尚書陸瑜請觀政進士同見任司官問刑從之

卜酋字來窺邊勅京東嚴備

國子生封澄請討廣西大藤峽等盜事下兵部

戊戌顧淳嗣鎮遠侯 顧興祖孫

辛丑戶部照磨黎獻請治兩廣失事官泰寧侯陳涇總兵顏

彪參將范信等罪 上是之


乙巳罷遂安伯陳韶營務

戶部尚書年富卒富字大有懷遠人永樂丁酉貢士訓導德

平擢吏科給事中以直名宣德乙卯進陝西右叅政治餉稱

國權 景泰八年

十三



職歷河南左右布政使左副都御史提督大同軍務痛草邊  
弊忤石亨劾罷尋起兵部右侍郎累進今官性剛劾治尚嚴  
桀人不可撓以私嘗疏薦布政楊璿西安知府余子俊右布  
政使孫毓 吏部尚書王翱求退不允賜祭塋監恭定

袁表曰年公以朴忠敬歷中外輒著名績其箕疇所謂有  
為有守者乎夫薦賢以為國也而隘者以侵官然則古之  
所謂大臣以道事君者非耶及攷所薦余子俊等皆至立  
功邊陲致位八座知人之哲年公其庶幾乎

前南京右府都督同知張斌卒丹徒人世蔚州衛指揮僉事


夜大星自天市垣流斗宿一小星隨之

巴酉番賊入陝西岷州

辛亥刑部司務朱貴奏四川寇獮命戶科給事中童軒往同

鎮巡官議撫

壬子分將坐營定西侯蔣琬奮武營太平侯張璉耀武營廣  
平侯袁瑄練武營遂安伯陳韶顯武營廣義伯吳琮敢勇營  
都督同知趙勝果勇營都指揮同知白玉鼓勇營都督同知  
芮成效勇營都督僉事王瑛立威營李杲伸威營鮑政揚威  
營孫廣振威營各有協贊



五月癸丑朔夜月大星自中天流至大陵

丁巳京師大風雹

庚申 英宗睿皇帝葬裕陵

癸亥夜月犯氐宿

甲子勅脩省

大同副總兵都督同知曹安疾去

乙丑翰林編脩張元禎上三事勤講學公聽政廣用賢報聞

戊辰 英宗睿皇帝主祔太廟

己巳大理寺左寺丞高明為南京右僉都御史

夜月犯十二諸國代星

庚午 上始朝奉天門

南京監察御史鄭安等上言事徙夷狄以安中國平寇賊以

靖邊疆時兩廣蠻賊亂 上從之

癸酉南京刑科給事中王徽王淵上言 皇上嗣位屢詔求

言忠謹日聞而言路不開者何也臣謂有二端焉庸劣之臣

阻直言者也諸臣之言切 皇上身者已行之矣其有發下

所司多有不便已妄奏阻尼即有施行虛文而已如此則言

官諱無益而不言一奸佞之臣懼直言者也于進言之人多

